



Fréttatilkynning

Starfsemin á 1F2022

- Loðnuvertíð var mun umfangsmeiri en árið áður. Veiðar og vinnsla á loðnu gengu bærilega og lönduðu skip Brims um 77.600 tonnum af loðnu á tímabilinu janúar til mars auk þess voru keypt um 10.000 tonn af öðrum skipum. Vertíðin einkenndist af slæmu veðurfari til sjósóknar sem hafði veruleg áhrif á möguleika skipanna til veiða og gerði að verkum að ekki náðist að veiða um 20.000 tonn af úthlutuðum kvóta félagsins í loðnu. Loðnu var landað í hrognaskurð og í fiskimjölsverksmiðjunar á starfsstöðvum félagsins á Akranesi og Vopnafirði. Auk þess var loðnu landað til frystingar á Vopnafirði fyrir markaði í Asíu og A-Evrópu. Á loðnuvertíðinni var lokað fyrir ótrygga raforku til fiskimjölsverksmiðjunnar á Vopnafirði og þurfti því að keyra hana að stærstum hluta á olíu sem þýddi verulega hækkun á kolefnisspori fiskimjölsverksmiðjunnar.
- Góð verð voru á botnfiskafurðum en markaðir á sama fjórðungi í fyrra voru erfiðir.
- Stjórn félagsins samþykkti þann 24. febrúar 2022 að afhenda fastráðnu starfsfólki félagsins og dótturfélaga hluti í Brimi í samræmi við starfsaldur hjá félaginu. Verðmæti hlutanna miðaðist við loka viðskiptagengi þann dag og hefur heildarkostnaður að fjárhæð 580 milljónir króna verið gjaldfærður undir öðrum rekstrarkostnaði í uppgjöri fyrsta ársfjórðungs.

Helsta atriði úr fjárhagsuppgjöri 1F 2022

- Vörusala var 94 m€ á fjórðungnum samanborið við 71 m€ á fyrsta fjórðungi 2021
- Hagnaður var 26 m€ á fjórðungnum samanborið við 11 m€ á fyrsta fjórðungi 2021
- EBITDA var 36 m€ og EBITDA hlutfall 38,6%
- Eignir hækkuðu um 55 m€ frá áramótum og voru 851 m€ í lok tímabilsins
- Eigið fé þann 31. mars 2022 var 398 m€ og eignfjárhlutfall 46,8%

Guðmundur Kristjánsson, forstjóri:

„Starfsemi og rekstur Brims gekk vel á fyrsta ársfjórðungi þessa árs þrátt fyrir rysjótt veður til sjós og óvissu á mörkuðum vegna stríðs í Evrópu. Starfsfólk félagsins býr að mikilli reynslu og kann að takast á við óvæntar og krefjandi aðstæður eins og kom í ljós í enn eitt skiptið á fjórðungnum, en sveiflur eru alltaf í sjávarútvegi. Bætt fjárhagsleg afkoma og aukinn rekstrarhagnaður félagsins skýrist af stórrí loðnuvertíð og góðum afurðaverðum, en kolefnisspor félagsins jókst hins vegar, aðallega vegna raforkuskorts hjá verksmiðju okkar á Vopnafirði. Stjórn Brims ákvað fyrr á árinu að verðlauna starfsfólk sérstaklega, fyrir vel unnin störf við óvenjulegar og krefjandi aðstæður undanfarin ár, með því að afhenda þeim eignarhluti í félaginu. Heildarfjöldi þessara hluta er um 4,4 milljónir og var þeim skipt á milli starfsmanna eftir starfsaldri. Auk þess greiddi Brim launabónus til að mæta tekjuskatti starfsmanna vegna hlunnindanna, samtals eru þetta um 580 milljónir króna sem eru gjaldfærðar í árshlutareikningnum.“

Fréttatilkynning

Rekstur

| EUR '000 | 1F 2022 | 1F 2021 |
|----------------------------------|---------------|---------------|
| Seldar vörur | 93.953 | 71.337 |
| Kostnaðarverð seldra vara | (52.353) | (52.230) |
| Vergur hagnaður | 41.600 | 19.107 |
| Útflutningskostnaður | (2.789) | (1.448) |
| Annar rekstrarkostnaður | (6.787) | (2.633) |
| Rekstrarhagnaður | 32.024 | 15.026 |
| Fjáreignatekjur | 869 | 983 |
| Fjármagnsgjöld | (1.801) | (1.839) |
| Gengismunur | 138 | (305) |
| Áhrif hlutdeildarfélaganna | 1.095 | 413 |
| Hagnaður fyrir tekjuskatt | 32.325 | 14.278 |
| Tekjuskattur | (5.928) | (3.362) |
| Hagnaður tímabilsins | 26.397 | 10.916 |
| EBITDA | 36.223 | 19.161 |
| EBITDA% | 38,6% | 26,9% |

Efnahagur

| EUR '000 | 31.03.2022 | 31.12.2021 |
|----------------------------|----------------|----------------|
| Fastafjármunir | 629.216 | 627.546 |
| Veltufjármunir | 221.789 | 168.360 |
| Eignir samtals | 851.005 | 795.906 |
| Eigið fé | 398.436 | 398.406 |
| Langtímaskuldir | 347.886 | 334.733 |
| Skammtímaskuldir | 104.683 | 62.767 |
| Eigið fé og skuldir | 851.005 | 795.906 |

Seldar vörur námu á 1F 2022 94 m€ samanborið við 71 m€ árið áður. Hækkun rekstrartekna má rekja til mun umfangsmeiri loðnuvertíðar en árið áður, en vörusala á mjóli og lýsi var um 20 m€ hærrí á 1F 2022 en 2021.

Rekstrarhagnaður fyrir afskriftir (EBITDA) var 36 m€ eða 38,6% af rekstrartekjum, en var 19 m€ eða 26,9% árið áður.

Nettó fjármagnskostnaður var 0,8 m€ en var 1,1 m€ á fyrsta fjórðungi 2021.

Hagnaður fyrir tekjuskatt var 32 m€, samanborið við 14 m€ á fyrsta fjórðungi 2021. Tekjuskattur nam 6 m€, en var 3 m€ árið áður. Hagnaður tímabilsins varð því 26 m€ en var 11 m€ árið áður.

Heildareignir félagsins námu 851 m€ í lok 1F 2022. Þar af voru fastafjármunir 629 m€ og veltufjármunir 222 m€. Breyting á veltufjármunum má einkum rekja til hærri birgðastöðu vegna loðnuvertíðar, en viðskiptakröfur hækkuðu einnig frá áramótum.

Fjárhagsstaða félagsins er sterk og nam eigið fé 398 m€ og var eiginfjárlutfall 46,8%, en var 50,0% í lok árs 2021. Heildarskuldir félagsins voru 453 m€ í lok fjórðungsins og hækkuðu um 55 m€ frá áramótum. Hækkun skammtímaskulda má meðal annars rekja til skuldfærslu arðs að fjárhæð 29 m€, en arðurinn var samþykktur á aðalfundi 24. mars og greiddur þann 29. apríl.

Fréttatilkynning

Sjóðstreymi

| EUR '000 | 1F 2022 | 1F 2021 |
|--------------------------------------|---------------|--------------|
| Handbært fé frá rekstri | 8.763 | 14.978 |
| Fjárfestingarhreyfingar | (3.377) | (481) |
| Fjármögnunarhreyfingar | 10.585 | (7.024) |
| Hækkun (lækkun) á handbæru fé | 15.971 | 7.473 |

Handbært fé frá rekstri nam 9 m€ á fyrsta fjórðungi ársins, en var 15 m€ á fyrsta fjórðungi 2021. Fjárfestingarhreyfingar voru 3 m€ og fjármögnunarhreyfingar voru jákvæðar um 11 m€. Handbært fé hækkaði því um 16 m€ og var 93 m€ í lok tímabilsins.

| | | |
|--------------------------------------|---------------|---------------|
| Handbært fé í lok tímabilsins | 92.860 | 29.069 |
|--------------------------------------|---------------|---------------|

Meginniðurstöður færðar til íslenskra króna

Séu niðurstöður rekstrarreiknings reiknaðar til íslenskra króna á meðalgengi fyrsta fjórðungs ársins 2022 (1 evra = 143,9 ísk) voru tekjur 13,5 milljarðar króna, EBITDA 5,2 milljarðar og hagnaður 3,8 milljarðar. Séu niðurstöður efnahagsreiknings reiknaðar til íslenskra króna á gengi 31. mars 2022 (1 evra = 142,0 ísk) voru eignir samtals 120,8 milljarðar króna, skuldir 64,3 milljarðar og eigið fé 56,5 milljarðar.

Hluthafar

Lokaverð hlutabréfa 31. mars 2022 var 95 kr. á hlut og var markaðsvirði félagsins þá 183 milljarðar króna. Fjöldi hluthafa var 1.337.

Samþykkt árshlutareiknings

Árshlutareikningurinn var samþykktur á stjórnarfundum Brims hf. 25. maí 2022. Árshlutareikningurinn er í samræmi við alþjóðlega reikningsskilastaðla (IFRS – International Financial Reporting Standards).

Kynningarfundur þann 25. maí 2022

Kynningarfundur fyrir markaðsaðila og fjárfesta verður haldinn að Norðurgarði 1 miðvikudaginn 25. maí klukkan 16:15, þar mun Guðmundur Kristjánsson forstjóri félagsins kynna uppgjórið. Fundinum verður jafnframt streymt og hægt verður að fylgjast með honum á fundinum á www.brim.is/streymi. Velkomið er að senda spurningar fyrir fundinn eða á meðan fundi stendur á netfangið fjarfestatengsl@brim.is. Aðsendum spurningum verður svarað í lok fundar.

Brim hf.

Brim er öflugt sjávarútvegsfyrirtæki sem starfar í sátt við samfélagið og umhverfið. Við stuðlum að verðmætasköpun í sjávarútvegi með vöruþróun, tæknilausnum og öflugum starfsfólki. Við tryggjum með ábyrgum veiðum og vinnslu, þar sem áhersla er á sjálfbærni og nýsköpun, að sjávarútvegur verði áfram burðarstólpi í íslensku samfélagi. Við leitum allra leiða til að lágmarka áhrif starfseminnar á umhverfið hvort sem er á sjó eða í landi.



Uppgjör Brims hf. á fyrsta ársfjórðungi 2022

Fréttatilkynning

Fjárhagsdagatal

| | |
|----------------------|-------------------|
| Annar ársfjórðungur | 25. ágúst 2022 |
| Þriðji ársfjórðungur | 17. nóvember 2022 |
| Fjórði ársfjórðungur | 24. febrúar 2023 |

Nánari upplýsingar

Nánari upplýsingar veitir Guðmundur Kristjánsson forstjóri, sími 550-1000.